

## On this page:

[NDIS thlennak pawl](#)

[Nunphung le Holh lei Idannak Tuahto ning](#)

## NDIS thlennak pawl

NDIS kan pek ning ah kan thangcho cuahmah.

Cheukhat thlennawnnak pawl an um:

- NDIS na sok ning.
- Na plan kan sersiam ning.
- Na plan ah thlennawnnak pawl kan tuah ning.
- Na plan ah cazin khumhnak tuahpiaktu pawl.

Phungphai pawl asilole NDIS a riantuan ning cu kan thleng lo. Biakhiahnak kan tuah ning le NDIS tang i tangka bawmhnak pek kongkau ah thlennawnnak pawl an um lo.

Nihin aa telmi pawl ca le hmailei caah a thadeuhmi a phichuak pawl peknak a kan bawmh dingah, computer tuahto ning a thar kan ser i kan riantuan ning kan thanchoter. Kan computer tuahto ning a thar le thanchonak pawl cu Australia a kenkip ah theihternak tuah hram kan thawk.

A soktu pawl, aa telmi pawl asilole anmah bawmtu pawl caah atu lio ah tuah ding zehmanh a um lo. Na NDIS lamthluan i tuah dingmi adang dot na hun phak tikah, bawmhnak le na herhmi kong fehter dingah nangmah he rian kan tuanti lai.

Hmunkhat te i rian kan tuanti fate, na plan ah zeibantuk computer tuahto ning dah a si timi kha kan in chimh lai. Cucu i ruahchan dingmi kha na fehter khawh lai i an bawmtu pawl asilole riantuanpiaktu pawl tibantuk nangmah caah a biapimi minung pawl sin ah hi thilsining cu na chimphuan khawh lai.

Kan [website](#) ah kan thlennak pawl kong tamdeuh na rel khawh.

## Pehtlaihnak pawl tuahnak

NDIS nih pumtlinglo minung kha a bawmh khawh hna, NDIS soktu an si lo zong ah.

Kum 9 le 64 karlak minung na si ahcun, na umnak mibu i riantuanpiaknak pawl le bawmhnak pawl he kan in pehtlaihter khawh. Hihi mibu pehtlaihnak pawl tiah kan auh.

Ngakchia kum 9 nak in a no deuhmi pakhat caah bawmh na herh ahcun, [tuandeuh pehtlaihna](#)  
[pawl](#) kan in pek khawh. Kum 65 asilole upa deuh na si ahcun, nangmah an bawm khotu dingmi  
tar zohkhenhnak lei riantuanpiaknak pawl kong i thilsining kha kan in chimh khawh.

Mibu pehtlaihna pawl asilole tuandeuh pehtlaihna pawl ngah dingah na tuah khawhmi cu:

- [NDIS zung](#) i minung pakhat khat kha chawn.
- 1800 800 110 ah hung kan chawn.
- Calehnak le Holhlehnak lei Riantuanpiaknak kha 131 450 ah chawn law NDIS he biaruah  
dingah bawmh hal.

Thilsining [tamdeuh hmuhna caah pehtlaihna pawl](#) tuahnak ah zoh.

## NDIS soknak

NDIS na sok ning kha aa thleng lai.

NDIS caah aa tlakmi na si ahcun, NDIS na sokmi kha kan in bawmh lai.

NDIS sok dingin, 'my NDIS contact' ('NDIS keimah pehtlaihna') na herh lai. Nangmah my NDIS  
contact cu NDIS ah nangmah le na chungkhar caah a biapimi pehtlaihna a si.

An tuah dingmi cu:

- NDIS kong thilsining an in chimh lai.
- Na ngah khawhmi bawmhna pawl i fian dingah an in bawmh lai.
- NDIS sok dingah an in bawmh lai.

Nangmah my NDIS contact kha NDIS riantuanti asilole Rampumpi Pumtlinlonak Aamahkhan lei  
Riantuanpiaknak (NDIA) riantuantu chungtel a si kho.

NDIS riantuanti pawl cu:

- Kum 9 nak in a no deuhmi ngakchia pawl a bawmmy tuandeuh ngakchia riantuanti pawl.
- Kum 9-64 karlak pumtlinglo minung pawl a bawmmy mah umnak hmun i tawltreitu pawl.

Nangmah my NDIS contact cu NDIA ah minung a si lai:

- Australia i a kideng deuh i na um ahcun.
- Hngalh a harmi bawmhna pawl na herh ahcun.
- Tar zohkhenhnak ah a ummi mino na si ahcun.
- Siizung asilole thonginn i na um ahcun.

NDIS kha na sok hnu ah, kan biakhiahna theihter dingin ni 21 chungah kan in pehtlaih lai.  
Thilsining tamdeuh zong kan in hal khawh men.

Aa tlakmi na si ahcun, NDIS aa telmi ah na cang lai. A hmasabik na NDIS timhtuahmi tuah dingah na soknak i na chimphuanmi thilsining pawl kha kan hman lai.

Aa tlakmi na si lo ahcun, aruang kan in chimh lai. Na NDIS riantuanti nih na umnak mibu i bawmhnak pawl he pehtlaihter dingah an bawmh lai.

Na umnak mibu i riantuanpiaknak pawl le bawmhnak pawl le pehtlaihnak pawl tuah dingah, asilole NDIS sok dingah, na tuah khawhmi cu:

- [NDIS zung](#) i minung pakhat khat kha chawn.
- 1800 800 110 ah hung kan chawn.
- Calehnak le Holhlehnak lei Riantuanpiaknak kha 131 450 ah chawn law NDIS he biaruah dingah bawmh hal.

Thilsining tamdeuh theihnak caah [NDIS soknak](#) kha zoh.

## Na plan sernak

NDIS aa telmi na can tikah NDIS plan na ngah lai.

NDIS plan cu thilsining kong tialmi pakhat a si:

- Nangmah le naa tinhmi pawl kong.
- Na herhmi bawmhnak pawl.
- NDIS nih a pek dingmi bawmhnak pawl.

Na plan a rak tuahtu a simi NDIA suaisamhtu he [plan lei meting](#) ngeih dingah sawm na si lai.

NDIA suaisamhtu cu minung pakhat khat:

- NDIA i rian a tuanmi a si.
- NDIS plan a thar pawl a sermi a si.
- NDIS plan pawl a thlengmi a si.
- Na NDIS plan budget a suaimi a si.

Na plan lei meting ah, nangmah NDIA suaisamhtu nih an chimh dingmi kong cu:

- Na [plan budget](#) le bawmhnak pawl.
- Na plan kong i biakhiahnak an tuahmi pawl.
- Na plan tawlrel na duh ning.
- Na plan caah rikawt tuahtu pawl.
- Na plan nih thlennawnnak pakhat khat a herh tiah na ruahmi.

Na NDIS plan copy pakhat kan in kuat lai. Na plan zoh dingah ka NDIS aa telmi portal (luhnak) le ka NDIS app kha na hman khawh.

Kan computer tuahto ning a thar ah plan na ngeih lo ahcun, tangka pek dingmi hlnak tuah dingah myplace aa telmi portal kha na hman peng a hau lai.

Nangmah my NDIS contact cu nangmah he biaruah dingah a thabikmi minung a si:

- Biahal awk na ngeih ahcun.
- NDIS he nan i biakchawnh tik i bawmhnak na herh ahcun.

Na plan chungah anmah pehtlaihna kha na hmuh khawh lai.

Bawmhnak lei riantuantinak asilole damthannak lei cawnpiaktu i riantuanpiaknak pawl caah na plan ah tangka bawmhnak na ngeih ahcun, na plan hman dingah bawmhnak na ngah khawh:

- Bawmhnak lei tawlreltu – timhtuahnak le nangmah bawmhnak pawl hmannak ah an bawmtu minung pakhat khat.
- Damthannak lei cawnpiaktu – na lungthin damnak lei ah an bawmtu minung pakhat khat.

Na NDIS plan na ngah hnu ah, nangmah my NDIS contact nih na plan hman dingah nangmah bawmh dingin [plan lei a takin riantuannak caah meting](#) ngeih dingin a timhlahm lai.

Nangmah my NDIS contact nih na plan zeidah a lawh timi hal dingah kum khat ah voikhat nangmah [he check-in \(a chung luhnak\)](#) a tuah lai.

Thilsining tamdeuh hmuhna caah kan website [i na plan](#) i fiang timi [le na plan lei thennak pawl](#) hmannak kha zoh.

## Naa plan thlennak

Na nunnak ah thlennak pawl na ngeih, a sullam cu bawmhnak tamdeuh, tlawmdeuh asilole adang na herh ahcun, na plan kha zeitik caan paoh ah thlen dingin na hal khawh.

Na plan thlen dingah lam hnih an um – timhtuahnak danternak asilole timhtuahnak zohfelna.

Timhtuahnak danternak cu atu lio na plan ah thlennak tlawmpal tuah kha a si. Plan lei zohfelna cu na plan kha a thar in kan thlen tikah a si.

Nangmah my NDIS contact, bawmhnak lei tawlreltu asilole damthannak lei cawnpiaktu nih na plan thlennak kong biakhiah dingin kan herhmi thilsining le tehte ah an in chimh khawh lai.

Thilsining tamdeuh hmuhna caah [na plan thlennak](#) ah zoh.

## Keimah bawmchantu pawl

Na NDIS plan a thar nih [riantuanpiaknak lei a hlankanh in chimhchawnnak](#) a ngei lai lo.

Na plan ah NDIA- tawlrirmi tangka bawmhnak, pumtlinglo umthutnak lei tawlrirmiaktu, inn le umnak lei bawmhnak pawl asilole umtu hoiher lei bawmhnak pawl na ngeih ahcun, nangmah bawmhnak an petu kha zeibantuk bawmchantu dah an si kha na kan chimh a hau lai, cu ticun na plan chungah cazin ah kan khumh khawh lai.

Na plan ah cazin khumhnak tuahtiaktu pawl kha 'keimah bawmchantu pawl' tiah kan auh hna. Bawmhnak pawl an in pek tikah na plan chung i bawmchantu pawl nih na NDIS plan he aa ralchanh in tangka halnak an tuaht khawh.

Na plan chung i cazin khumhnak tuahtiaktu pawl timi a sullam cu tangka kan pek hna hlan ah nangmah he dothlat kan hau lo tinak a si.

Nangmah my providers kha zeitik caan paoh ah na tharchuah khawh asilole na thlen khawh.

Thilsining tamdeuh hmuhnak caah [keimah bawmchantu pawl \(my providers\)](#) ah zoh.

## NDIS pehtlaih

Manlo in calehtu asilole holhlettu kha 131 450 ah chawn law NDIS he biaruah dingah bawmh hal.

Nangmah my NDIS contact zong nih nangmah he nan i ton tikah asilole bia nan i ruah tikah holhlettu a tawlrrel kho fawn.

Nangmah bawmchantu zong nih anmah he nan i ton tikah asilole bia nan i ruah tikah, holhlettu kha a tawlrrel khawh men ko lai.

NDIS zung ah kal i holhlettu he biaruahnak dingah bawmh na hal kho fawn. [NDIS website](#) ah nangmah he a naihbiknak i a ummi NDIS zung kha kawh.

## Fawi tein relmi

NDIS kong i thilsining cu Easy Read (Fawi tein Relmi) ah leh a si fawn. Minung tampi nih Easy Read chungum kha a thahnemmi ah an hmuh, Mirangca rel aa harhmi minung pawl telhchih in.

[Easy Read i chungum zoh dingah Cazual pawl le NDIS i thilsining kong tialmi cahmai ah zoh.](#)

- [NDIS thlennak pawl \(DOCX 291KB\)](#)
- [NDIS thlennak pawl \(PDF 174KB\)](#)

## Nunphung le Holh lei Idannak Tuahto ning

Nunphung le Holh lei Idannak (CALD) Tuahto ning 2024-2028 (Tuahto ning) cu kan ser i pungsan kan suaiti.

Pungsan suaitimi ti a sullam cu rian kan tuanti i aa telmi pawl, hawikom pawl, innchungkhar, zohkhenhtu pawl, NDIS riantuantu le pumtlinglo mibu sinin kan cawng tinak a si.

Tuahto ning cu CALD dirhmun in a rami minung 800 leng he pungsan kan suaiti.

Hihi cu NDIS thanchoter dingah kan biakamnak a si cu ticun kan sin ah aa telmi dihlak i nunphung le holh lei herhmi pawl kan tlinh khawh lai.

Tuahto ning peknak ah kanmah bawmh dingin, Tuahsernak Timhtuahmi kha kan ser i pungsan kan suaiti.

Hi nih hin Tuahto ning kalpi ziahmah kan herhmi a dot phunphun in a langhter. Lim dingin tuahsernak 28 an um.

CALD Tuahto ning A tawinak in tialmi dawnglawt (download):

- [CALD Tuahto ning A tawinak in tialmi \(PDF MB\)](#)
- [CALD Tuahto ning A tawinak in tialmi \(DOCX 14.2MB\)](#)

CALD Tuahto ning le Tuahsernak Timhtuahmi Rel Fawi dawnglawt:

- [Rel Fawi CALD Tuahto ning \(PDF 3MB\)](#)
- [Rel Fawi CALD Tuahto ning \(DOCX 14.2MB\)](#)
- [Rel Fawi CALD Tuahsernak Timhtuahmi \(PDF 4.2MB\)](#)
- [Rel Fawi CALD Tuahsernak Timhtuahmi \(DOCX 15.7MB\)](#)

CALD Tuahto ning le Tuahsernak Timhtuahmi tling dawnglawt:

- [CALD Tuahto ning tling tein tialmi \(PDF 517KB\)](#)
- [CALD Tuahto ning tling tein tialmi \(DOCX 4.8MB\)](#)
- [CALD Tuahto ning Tuahsernak Timhtuahmi tling tein tialmi \(PDF 556KB\)](#)
- [CALD Tuahto ning Tuahsernak Timhtuahmi tling tein tialmi \(DOCX 4.6MB\)](#)

---

## Contact us accessibility services

## Translating and interpreting

For a free-of-charge translator or interpreter phone **131 450**

## If you have hearing or speech loss

TTY: **1800 555 677**

Speak and Listen: **1800 555 727**

## National relay service

Visit the [National Relay Service](#) website or phone **1800 555 727** then ask for **1800 800 110**

This page current as of  
13 May 2024